

AD  
CLEMENTEM VIII:  
PONT. MAX.  
ORATIO

A LAELIO PEREGRINO  
ROMAE IN SACRO CONSISTORIO HABITA  
Cum vir Illustris. F. VINCENTIVS CARRARA  
Hungariæ Prior:

Magni Equitum Rhodiensis Magistri nomine  
Obedientiam præstaret.  
Prid. Kal. Iunij M. D. XCIII.

SVPERIORVM PERMISSV:



ROMAE, Apud Heredes Ioannis Liliotti.  
M. D. XCIII.

CLEMENTEM VIII.

PONT. MAX.

ORATIO

A LUDOVICO PEREGRINO

REGIS FRANCIS CONSTITUTO

IN REGNO FRANCIE

Regis Prior.

Regis Francie Regis Magistri nomine

Obsecrans preces.

M. D. XCIII.

EX LIBRIS REGIS PERMISS.



ROMAE, Apud Hieronymum

M. D. XCIII.



**P**ERIVCUNDVM Principatus tui nuncium omnes terras momento peruagatum, si Cæciæ uento similem dixerō, quem nubes præter morem ceterorū ad se trahere sciunt **CLEMENS VIII. PONT. MAX.** reconditum spectatissimæ alioquin rei simulacrum, & spirantem officij hodierni imaginem mihi uidear ex naturæ arcanis expressisse. Etenim cum remotissimis ille regionibus peragrandis uelocitate uentos anteuertisset, ne dum Christianum Orbem incredibili lætitia commouit, uerum innumeros ad oscula sanctissimis istis pedibus figenda, fruendumq. optatissimo conspectu tuo, in Urbem euocauit, nobiles undique legationes ex-  
ciuit, ac Cæciæ instar, sui primordia in orbem repententis, ad te unum, a quo profecta erat, coegit. maxime uerò cum Siculum præteruecta fretū flexisset Melitam, F. Hugonem Delubens Magnum eius militiæ Magistrum, & S. R. E. Cardinalem tanta uoluptate compleuit, ut cum concepto gaudio legatione minime satisfactum iri intelligeret, statim ad Petri limina sibi nauigandum decreuerit, quo tibi ad genti accidere, obedientiam, ut moris est, profiteri, summam inter mortales dignitatem gratulari liceret. Sed uarijs impedimentis de die in diem reiectus, ac demum spe Urbem adeundi omnino deiectus, & exclusus, consilium in-  
iuit per legatos conficiendi, quod per se præstare nequiuisset. Quare F. hunc Vincentium Carrasam, Hungariæ pro Hospitalarijs Priorem, uirum splendore clarissimi generis, ac rebus bello, atque pace feliciter gestis insignem, militem ueteranum, amplissimis militiæ muneribus summa cum laude persunctum, quaternis peditum millibus in Lusitania, senis in Italia, turmis Equitum non paucis in Belgio ab inuictissi-  
mo Hispaniarum Rege olim præpositum, nuper uero Regios inter armorum, atque summi regiminis consiliarios Neapoli adscitum, perpetua Equestri præfectura pacatis rebus uirtutis ergo donatum, magnis æ-  
gotijs ob spectatam fidem, prudentiam, fortitudinem ab eodem adhibi-  
tum ad te legauit, testaturum omnibus, Hospitalis Magistrum, & cõ-  
muni Christianorū, & singulari ordinis Melitensis nomine, adhuc etiam priuata ratione eam, te Pontifice Maximo renunciato, percepisse uolup-  
tatem, quam Christiana Respub. Optimo Principi credita, sacro col-  
legio honorifica ista deliberatione quæ sita laus, antiqua demum eius in  
te beneuolentia, & obseruantia capiendam esse suadent. Dederint enim  
ceteri ad Sacerdotij tui nuncium quantascumque lætitiæ significationes,  
quas tamen maximas exstitisse nemo ignorat, adhuc magnus Magister  
singularem in communi gaudio se habere partem profitetur, tum quod  
Cardinalis, tuiq. dum Cardinalem ageres studiosissimus, uir optimo,  
& amico charissimo ad summum dignitatis fastigium euectō, nō potest  
non summopere lætari, tum quod amplissimis Collegiis magna sit facta  
laudis accessio, cum te uirum doctrinæ, præstantiæ, uitæ integritate,

perenni erga omnes beneficentia insignem Ecclesiæ Dei præfecerint, & grauissima ista testificatione declararint plus commune bonum, quam priuata commoda ad Vaticanæ radices in pretio esse, quam porro laudæ Collegarum probitate partam pro coniunctionis fraternæ iure ad se quoque pertinere arbitratur. Huc accedit Sixti V. cõmunis Parentis, atque promotoris numquam interitura memoria, quem quod egregium de re fecisse iudicium rei euentus docuerit, ac de præclaro opere suo nobilissimus artifex lætari possit, tam gratum habet, quam quod gratissimum. His itaque nominibus tibi Patri Beatissimo, uobis Cardd. Amplissimis gratulatur, non quantum alij fecere, uel facturi sunt, sed quantum nulli. reliquæ enim legationes externæ sunt huic augustissimo cœtui, at ista quasi domestica, uti ab eo profecta, qui pars est Apostolici corporis, cui hoc eodem loco sedere ius est, & rogato sententiam dicere, cuius dignitas omnis & exsultatio a sedis huius amplitudine, ut membrorũ uigor à capite pèdet. Sed quando eius nomine præsens habetur oratio, qui tuũ P. B. in ouilis dominici particula pascenda custodiendaque agit Vicarium, patere ò Summe Pastori, Pastorum rector atque corrector pro inuncto tibi a Paucifamilias munere, ut, quò pacto erga gregem in fidem acceptum ille se gerat, paucis complectar, tibi quæ militaris huius, ac religiosæ simul familiæ status, qualis nunc est, cognitio plenior accedat.

Quo loco res Melitenses existerent, cum primum Hugo Delabens Hospitaliariorum Magister dictus est, superuacaneum existimo recensere. Illa enim sacri ordinis in partes scissi noua, & deformis facies Europam omnem in ingetium malorum expectationem commouerat, & magno Reip. discrimine externis hostibusque innotuerat. Ille ubi Ordinis gubernacula suscepit, res discordia quassatas, atque prostratas restituit, animos suspicionibus alienatos composuit, sediciosos aliquot officij admonitos in ordinem redegit, cuncta nitori antiquo reddidit, tanto difficiliorem in ea militia reformanda, quam Gerardi, atque Poggij eadem fundanda atque legibus stabilienda prouinciam nactus, quanto animos offensionibus muris exulceratos conciliare, quam homines nullo inuicem odio infensos, in unam Reipubl. formam cogere difficilior est. Apparent quidem interdum ad hanc diem antiqui illius incendij nõdæ flammæ abijs, quos nulla potest uincere integritas, nulla humanitas mollire, in Principem, parentem, & benefactorem suum excitatæ. Sed in magna conflagratione prunas aliquas dolofo cinere obduci, quæ in ingentem quandoque flammam assurgant, rerum peritis, neque mirum est, neque inauditum. Ordinis etiam bonis superiorum temporum calamitate oppigeneratis inani prorsus ærario, ne dum quod contractum antea fuerat æris alieni diluit, uerum integros anni redditus in sanctius ærarium intulit, cuius tamen laboris fructu breui admodum frui potuit, cum nullis ex Gallia prouentibus, (quibus ordinis aliqui neruus continetur) diu ob internecina disidia perceptis, publico fuerit manus

apponenda, & pecunia nuper collecta, in usus necessarios distrahenda priuatis etiam magni Magistri opibus ad communem utilitatem, maxime uero ad rei frumentarię leuandam inopiam, larga manu suppeditatis. Quę enim scēda fames Italiam fere omnem biennio presit, eadem, ac forte acerbior Melitam peruasit, insulam in solo sterili magna tum in digenarum, tum nobilissimorum Equitum ad caput ordinis ex lege com meatium copia frequētata, Sicilia præsertim, (quis credat?) illo quondam inexhausto Pop. Romani horreo in summa frumenti egestate superiore anno constituta. Quibus in angustijs magnus Magister cum ex pedito consilio Religionis trēmes opportunē frumentatum ablegasset, etiam binas, quas habet proprias, adulta hyeme in Aegęum mare transmisit, etsi clausa nauigatione, mari ratibus imperuio, eas perditum iri omnes affirmarent. Sed pię menti optimi Pastoris fauit Deus, tantę frumenti uis ex eo Turcarum horreo auēcta, tanta de mercatoribus Christianis alibi coempta, quanta ad pascendam illam multitudinē, & Messanam, quę ad extrema deuenerat subleuandam satis fuit, cibarijs in mendicos, & egentes, quorum ingens copia Melitam confluxerat, Magni Magistri ære quotidie diuisis. Annonę penuriam pestis excepit, ne qua tragicarum execrationum in illis partibus grassata minus fuerit, præter bellum, à quo nihilominus ne securi diu simus, Orientis motus, & inusitati efficiunt apparatus. Verum in illa terrę atque funestę luis debacchatione nullum Christianę pietatis officium a Magno Magistro omissum, quo egentes subleuare, solari afflictos, oppressos erigere posset, breuique eius unius post Deum prouidentia, solertia, charitate feralis cōtagio sublata, ac seruata Melitenfis res, funditus illa quidem interitura, si Præfectum nacta fuisset paulo minus communis boni amantio rem. Has inter difficultates, atque crebros diuinę ulsionis ictus, ad religiosos quoque souendos animum adiunxit. Nam duo Monasteria sumptibus proprijs erexit, Virginum alterum, quas dimidiata cruce uoluit insignitas, alterum Frācisceanę seuerioris familię cucullatorum. tertij etiam fundamenta iecit ad mulieres excipiendas, quę a prostrata, & exposita pudicitia afflata numine ad castitatem se uoto traducunt. Sed religioni dum incumbit impensius, non dimittit curam armorum, cruce atque gladio, difficili plerisque societate, in unum facile iunctisnam, & Valletę urbis propugnacula opere immenso absoluit Italię pro firmissimo aggere contra Barbaros futura, & Equites continuis exercet in Turcas emissis, nobilibus redditque rei naualis peritisimos, & ad classes ductandas peridoneos, quod & captiua Turcarum nauigia in Melitensem portum sæpe ducta, & non ita pridem e Rhodiensi custodia binę capte trēmes, atque Domoslienfis uicinus in Phrygia direptus declarat. Quippe ad eas Turcarum Principis maioris natu filij delitias per silentium noctis contenderant nostri, ut illum in amplissimi expectationem imperij procreatum, rebus mox potiturum caperent ociose rusticatē, aggre-

aggressi rem omnino perdifficilem, Argonauticæ in Pontum expeditioni, uel Herculeis ad hortos Hesperios laboribus, alijsq; heroicorum temporum gestis, si quæ sunt fabulosa magis, compatandam. Sed uirtutem occasio destituit, Turca, dum nostri descensionem faciunt, ab indigena per compendia uiarum admonito, ac beneficio tenebrarum ad interiora cōtinentis cum familia nuda, & semisomni elapso, uestibus amissis, & in nostrorum potestatem redactis. Quod nisi conatus generosorum pectorum rustici unius uersutia prodidisset, Italia, triumphum uidiles omnium, quotquot umquam fuisse, speciosissimum. Ita durum à stirpe genus per cœptam bellicæ uirtutis uiam, frequentissimis maiorû uestigijs impressam ita progreditur, ut superiorum gloriæ minime cedat. fuerint enim magna quæ illi in Syria, quæ ad Rhodum, quæ toto Oriente gessere, certe Melitenis uictoria, cuius ipsi spectatores fuimus, & admiratores, nec oppugnationum multitudine, atque pertinacia, nec constantia propugnationum, nec editis in ea longissima obsidione stratagematis, ulli ex antiquis facinoribus uidetur posthabenda. quæ si hoc loco a me silentio inuolueretur, prodiret nihilominus per se laureata in medium istud gloriæ Theatrum, ac strues referret hostilium cadauerum, instar mōriū congestas, innumerosque recenseret fortissimos Equites post admiranda uirtutis præbita experimenta, sagittis transixos, confectos acinace, uel ferrearum glandium procella discerptos, quorum nomina egregijs coniuncta factis iniuriarû temporis fama uindex per orbis æternitatis diutissime actura est. Longe uero ante alios hunc Hungariæ priorem, & qui apud Sanctam Sedem Orator adest ordinarius ALPHONSVS DE TEXEIDA Summum Ordinis Cancellarium digito indicaret, recenti tum proprio, tum hostili sanguine repperfos, in atrocissimi belli mole sustinenda magnam fortitudinis famâ adeptos, ex obsidionis illius superstites ruinis, quos diuina bonitas, & innata uirtus, una cum arce, & insula seruatos hostis furētis gladio subtraxit, testes diu futuros apud posteros belli fœuissimi, ac fortitudinis tantæ, quantam nec temere maiores experti sunt, nec qui sequentur, sint facile explicaturi. Per suam uero erat Barbaris Melitam munitionibus nondum perfectis ad primam impresionem opprimi posse, & quasi foetum immaturum intra dolores partus nullo negotio præfocari. accinxerant se ad predam, ne dum comparauerant ad bellum. sed quod uiri fortissimi magno sibi malo antea tentati denuo essent armis impetendi, classem ingentem adornarant, magnoque militum robore, & enormis magnitudinis admirandique inuenti machinis instruxerant, quibus cælum ipsum, si pateret ictibus, uesani atque impij homines, germana Nembrodi propago, iactabant cessurum. Sed aggerem offenderunt opinione soli diorem, quo euertendo labor omnis, & industria foret eludenda, fortia uidelicet cruce signatorum pectora, Deo suam tuente causam, aggeres, munitiones, propugnacula semiperfectæ arci fuisse, Italiæ dicam potius



tius, quam Barbarus animo uorauerat, ac Melita euerſa regnatori Aſie, Aegypti, Lybiae, Graeciae, Thraciaeque euerſori arbitrabatur minime reſtituram. Sed reſtitit immaniſſimo hoſti inuiſta, praſidio diuino ſulta, Hoſpitaliorum uirtus, ac ſe illi opponet perpetuo; attrita quamuis nimium ſint Ordinis uires, Anglia, Scotia, Hibernia, Hungaria, Dalmatia, Graecia penitus amiſſis, parum omnino ſuppeditante Germania, nutante, ac nulla, ob exitiale bellum, a multis annis ueſtigalia praebente Gallia. ſuſtinebit tamen dignitatem quantum poterit, non deſpondebit animum, nec ſibi arma e manibus diſfluere patietur. Cum olim in Syria Latinorum imperium caderet, eadem ruina res quoque Hoſpitaliorum traxit. ſed impiorum armis exturbati, non quaſi uere loca ab hoſtibus, ne eandem quandoque ſubirent aleam, remotiſſima. uerum, ut genereſque alites ui loco pulſe ab exturbatorum conſpectu quam minimum recedunt, & e fuga ſubinde ſe conuertunt, quaſi reditura ad pugnam, ita iſti amiſſa Hieroſolyma Ptolemaidam muniuere. poſtea acciſis, & euerſis in Syria chriſtianorum rebus, tenuere Cyprum, Rhodum inde, demum Melitam ad fines Turcarum poſitam, unde taquam e ſpecula uicina barbarorum conſilia intueri, excubare in omnes euentus, piratarum in noſtra maria incurſiones cohibere poſſint, & claſſem in illos comode educere, claſſem inquam, proh Deum immortalẽ, puſillam nimis, ubi numerus atque moles nauigiorum expendatur, ceterum formidatam Barbaris, inquam incidiſſe magni ſepe mali loco ducunt, quam ad propria appuliſſe nuquam letati ſunt, qua maxime factum, ut gens maritime rei gloria florentiſſima faſtu depoſito, ſe, ne dum uinci poſſe, uerum in eo genere a noſtris longe ſuperari non ſemel experta fuerit. In hanc claſſem, flagellum Orientis, inferi maris, & Italiae ſecuritatem, qui recenter in ordinẽ nomina dedere, imponuntur, quinquennali opera Tyrociniũ depoſituri. hec de nouitijs exiguntur experimẽta uirtutum, ualſto & ſuarenti ſe pelago credere, ab urbanis delicijs longe abeſſe, torrerĩ Sole, uexari gelu, corruptis frequenter cibis uelci, raro ad ſaturitatem, cum uetis, atque procellis perpetuo luctari, periclitari de ſalute inter infeſtas ſcopulorum cautes, demum ab interitu abeſſe tantum quantum diſtat a fluctu, quin & mortem quodammodo ciere atque laceſſere, dum in hoſtica dirigunt curſum, atque barbaros toto mediterraneo mari quaſi profugos perſequuntur ad pugnam. Hos igitur, uiros etque fortes, & religioſos, de Chriſtiana Repub. optime meritos ab ijs perturbari patieris, P. B. a quibus ob accepta beneficia nouis in dies premijs eſſent cumulandi fruſtra igitur toties pro Chriſto itum in mortem ad que, oro, premia tanta ſanguinis ſeruatur effuſio? diuinis, ſat ſcio, non fraudabitur, hic uero quid illi mercedis erit? num bos trituras inſreñabitur, uel apud mella fuci comedet? Ah P. B. extrema iſta exterminandae uirtutis indicia etas noſtra ne ſpectet. horum patrocinium nemo Chriſtianorum Principum ſibi cenſeat deſerendum, horum inquam, qui communem fidei cauſam, contra publicos hoſtes

ites armis perpetuo tuendam recepere. *Quæ.n.a* nostris contra Turcas  
 expeditio umquã suscepta, in quã non hi confestim accurrerint, & egre  
 giam operam nauarint? Ecquãdo christiana signa licuit in Barbaros uer  
 sa intueri, quin candidæ cruces generosis prælatæ pectoribus uisq̃ sint ce  
 teris præire, uisq̃ ferro ad uictoriam aperire, uel ad mortẽ, si aduerso Mar  
 te premerentur, constantissime dimicare? Siue.n. capitur Tunes, siue ob  
 fidetur Algerium, siue pugnatur ad Gerbas, siue classis Pontificia Hispa  
 norum auxiliariis aucta copijs in Cyprum soluit, inuictissimo illo, at  
 que summis Heroibus æquando *M. ANTONIO GOLUMNA* du  
 ce, siue proximo posteriore anno Italiæ, Hispaniæq̃ uiribus in unum sa  
 cro fœdere collatis, Orbis in partes religionis sacramento diuisus ad si  
 num Corinthiacum de maris imperio decernit, siue aliàs illi in nos arma  
 mouent, ac ipsi uicissim resistimus, aut in eisdem impetum facimus, ubi  
 que uidere est Hospitalarios rutilante redẽptionis nostræ vexillo conspi  
 cuos, hostibusq̃ formidandos in prima acie consistere, primos in Barba  
 rorũ ordines, quæ cõfertissimi sunt, irruere, scãdere primos obiectas mu  
 nitiones, primos in hostiles triremes insilire, & quandoq̃ hostiũ uim ex  
 cipere, ac sustinere solos, ceteris in fugam effusis, itaq̃. uulnera, & mortẽ  
 contẽnere, quasi uel sensus doloris essent expertes, uel in alieno corpore  
 dimicarent. O sanguinem generosum uena inexhausta pro Christo, &  
 eius mẽbris fufum. O uictimas Deo gratas cruento admodum sacrificio  
 ad fidem amplificandã destinatas. O uoluntaria holocausta in Christia  
 nã Reipub. defensionẽ hostili sæpe ferro absumpta. Hunc sanguinẽ, has  
 uictimas, hæc holocausta tibi Magnus Magister pollicetur perpetuo ad  
 fidei propagationẽ parata. quin seipsum uir pio ferro innutritus, & ul  
 tra bellicam laudẽ, inueterata prudentia ab assiduo rerũ usu auctus, pro  
 fitetur ad pericula subeunda, ubi res ferat, prõptissimum. Et quidem si  
 per ualitudinem, atq̃. difficultates temporum, ac Melitenfis Reipb. di  
 scrimina eum abesse liceret, prõperasset ad sanctissimos istos pedes oscu  
 landos, nec itineris longinquitas, uel maris incõmoda, uel monstra illa  
 Siculo freto nauigantibus infesta eum ab instituto deteruissent. Sed di  
 mittere caput rerum tempore alienissimo, afflictam ualitudinẽ procel  
 lulo mari cõmittere, non ei uidebatur tutum. Quod igitur per se con  
 sequi non potuit, per legatos hosce, duo clarissima ordinis Melitenfis lu  
 mina præstat, qui tam Magni Magistri, quam Hospitaliorũ nomine  
 perpetuã tibi reuerentiã, obedientiam, subiectionemq̃. spondent, ac de  
 ferunt, & in eadem mente ad extremum spiritum permanfuros pollicen  
 tur. Te unicum, & summum Christi Vicarium, te Petri successorem, te  
 christianæ Reipub. caput, te cælestis numinis interpretem, te diuini iu  
 ris custodem agnoscunt, & profitentur. Reliquum est, P. B. vt legatio  
 nem istam beneuolo, & paterno animo excipias, uti soles, ac rem Meliten  
 sem totis viribus promouẽas, quo omnes intelligant, posse quemq̃. labo  
 rum suorum a te fructus expectare cumulatisimos.